



**Dearbhú Cáilíochta
agus Cáilíochtaí Éireann**
Quality and
Qualifications Ireland

LEABHRÁN EOLAIS D'IARRTHÓIRÍ

Comórtas Oscailte chun Cúntóir Feidhmiúcháin a Cheapadh, Oifig an PF (Grád V)

An dáta deiridh: 15:00, 19 Bealtaine 2026

**Teagmhálaí:
qqi@rplus.ie**

Stádas an Chonartha:

Tá Dearbhú Cáilíochta agus Cáilíochtaí ag féachaint le post buan mar Chúntóir Feidhmiúcháin a líonadh. Cuirfidh an Cúntóir Feidhmiúcháin tacaíocht riaracháin agus oibríochtúil ardleibhéil ar fáil don Phríomhfheidhmeannach (PF), ag gníomhú mar phointe teagmhála lárnach trína gcinntítear comhordú réidh ar fud na heagraíochta. Féadfar painéal a thiomsú as an gcomórtas seo.

**Údarás:
Éireann**

Dearbhú Cáilíochta agus Cáilíochtaí

**Suíomh:
Átha Cliath 2**

25 – 27 Lána Denzille, Baile

Mar gheall ar Dhearbhú Cáilíochta agus Cáilíochtaí (QQI)

Is é Dearthbhú Cáilíochta agus Cáilíochtaí Éireann an ghníomhaireacht neamhspleách stáit atá freagrach as cáilíocht agus cuntasacht a chur chun cinn i seirbhísí oideachais agus oiliúna in Éirinn. Tá roinnt feidhmeanna tábhachtacha ag QQI:

An tÚdarás Cáilíochtaí

I réimse na gcáilíochtaí, táimid freagrach as an [CNC](#) (An Creat Náisiúnta Cáilíochtaí) deich leibhéal a chothabháil. Is comhlacht dámhachtana muid, leis, agus déanaimid caighdeáin na ndámhachtainí a dhéanaimid sa CNC a shocrú agus a athbhreithniú. Cuirimid comhairle ar fáil, leis, ar aitheantas do cháilíochtaí eachtracha in Éirinn agus ar aitheantas do cháilíochtaí Éireannacha thar lear. Foilsíonn QQI eolaire de sholáthraithe agus de dhámhachtainí an CNC.

Dearthbhú Cáilíochta

Táimid freagrach as athbhreithniú a dhéanamh ar a éifeachtaí atá dearbhú cáilíochta i soláthraithe breisoideachais agus ardoideachais agus oiliúna, lena n-áirítear:

- ollscoileanna,
- institiúidí teicneolaíochta,
- boird oideachais agus oiliúna (BOOnna)

Déanaimid cáilíochtaí soláthraithe sna hearnálacha príobháideacha breisoideachais agus ardoideachais agus oiliúna a dhearbhu, leis, agus ceadaímid cláir dá gcuid as a leanann dámhachtainí QQI. Údaraímid an marc TrustEd Ireland don ardoideachas agus do scoileanna mhúineadh an Bhéarla.

Fís, Misean agus Luachanna QQI

Fís

Táimid tiomanta d'fhís d'Éirinn ina dtairgtear deiseanna éagsúla breisoideachais agus ardoideachais ar ardchaighdeán, a chuireann ar chumas foghlaimeoirí a lánacmhainneacht a bhaint amach trí cháilíochtaí a bhfuil luach orthu go forleathan sa bhaile agus i gcéin a bhaint amach.

Misean

Cuirimid muinín agus iontaoibh an phobail chun cinn i gcáilíocht, ionracas agus dea-cháil chóras oideachais threasaigh na hÉireann trí:

- iomláine an Chreata Náisiúnta Cáilíochtaí chosaint,

- eolas údarásach agus cuimsitheach faoi cháilíochtaí agus deiseanna foghlama a sholáthar;
- rialú agus treoir iontaofa a sheachadadh
- cáilíocht soláthraithe agus a gcuid clár a bhreisiú
- tionchar a imirt ar athrú córais le léargas agus anailísí.

Luachanna

Bunaímid ár gcur chuige i leith ár gcuid oibre féin agus an tslí a n-oibrímid lenár ngeallsealbhóirí ar luachanna soiléire. Creidimid go bhfuil freagracht i bpáirt againn le grúpaí eile chun muinín i gcáilíocht an oideachais agus na hoiliúna agus feabhsúchán leanúnach iontu a chinntiú. Creidimid gur fearr ár dtosaíochtaí agus ár gcuspóirí a bhaint amach trí chomhoibriú agus oibriú go cuiditheach lenár gcomhpháirtithe agus soláthraithe éagsúla. Is mór againn comhpháirtíochtaí ar mhaithe le leas frithpháirteach.

Geallaimid meas a léiriú ar oibiachtúlacht, trédhearcacht agus inbhuanaitheacht inár gcuid oibre. Is é sin an bonn lenár gcinnteoireacht agus lenár mbeartais, nósanna imeachta agus gníomhaíochtaí. Tá siad seo bunaithe ar fhianaise, agus ar dhea-chleachtas náisiúnta agus idirnáisiúnta, tá siad údarásach agus seoltar iad ar shlí ionraic atá trédhearcach agus trína gcothaítear muinín.

Geallaimid difríocht a dhéanamh dár gcomhpháirtithe, dár soláthraithe agus dár bpobail. Is mór againn an fhaisnéis, an léargas agus an tionchar -- an tslí a gcomhlíontar spriocanna agus cuspóirí as a leanann tionchar dearfach substaintiúil ar ár dtimpeallacht oibriúcháin.

Is eagraíocht muid atá ag foghlaim. Táimid tiomanta don nuáil agus don bharrmhaitheas.

Ag obair do Dhearbhú Cáilíochta agus Cáilíochtaí Éireann

Tugann gairm leis QQI deis uathúil chun seirbhísí agus rialáil thábhachtach a sholáthar ar fud na hearnála breisoideachais agus oiliúna agus san earnáil ardoideachais arson.

Mar chomhlacht reachtúil, tá ár bpríomhfheidhmeanna leagtha amach sa dlí, ach déantar ár dtosaíochtaí straitéiseacha agus ár n-imscaradh acmhainní a chinneadh gach trí bliana inár ráiteas straitéise, ina gcuirtear coinníollacha comhshaoil san áireamh. Cuimsíonn [Ráiteas Straitéise 2025 - 2027](#) QQI mórchuid dúshlán don eagraíocht ar go leor slite.

Tosaíocht straitéiseach – an Creat Náisiúnta Cáilíochtaí a chosaint don todhchaí

Tosaíocht straitéiseach – rialáil, treoirínte, comhairle agus seirbhísí iontaofa a sheachadadh

Tosaíocht straitéiseach – léargais, taighde agus anailís luachmhar ar fud an chórais a chomhroinnt

Tosaíocht straitéiseach – comhpháirtíochtaí náisiúnta agus idirnáisiúnta a dhoimhniú

Tosaíocht straitéiseach – eagraíocht athléimneach agus lúfar a chruthú

Sochair Fostaithe

Is mór againn ár bhfostaithe agus infheistimid ina sláinte, ina leas agus ina sábháilteacht ag an obair agus déanaimid soláthar do Chlár Cúnaimh d'Fhostaithe. Soláthraímid tacaíocht agus spreagadh a theastaíonn don fhoireann chun go gcomhlíonfaidh sé/sí gach gealladh atá faoi/fúithi trí dheiseanna oideachais agus oiliúna. Tairgimid sochair lena n-áirítear:

- Ballraíocht i Scéim Aoisliúntais
- Scéim Saoire Breoiteachta
- Obair ón mBaile
- Saoire Am Téarma
- Saoire Tuismitheora
- Sosanna Gairme
- Saoire Scrúduithe agus Staidéir

Déanaimid soláthar don iliomad roghanna coigilte cánach do sholáthraithe iompair éagsúla. Táimid páirteach sa scéim Rothar chun na hOibre agus éascaímid roinnt asbhaintí árachais sláinte agus asbhaintí párolla eile.

Marc KeepWell

Tá aitheantas faighte ag QQI ó IBEC as a dháiríre atáimid faoi fholláine na bhfostaithe. Is aitheantas é an dámhachtain seo go dtugann an QQI tús áite d'fholláine na bhfostaithe i mbeartas na heagraíochta agus bronnadh Cuideachta na Bliana (FBM) air in 2024.



Geallann QQI timpeallacht éagsúil a chruthú agus feidhmiú mar fhostóir comhdheiseanna. Déanfar breithníú ar fhostaíocht d'iarratasóirí gan aird ar inscne, stádas pósta, stádas teaghlaigh, claonadh gnéasach, reiligiún, aois, míchumas, cine agus ballraíocht den Lucht Siúil.

Gheofar tuilleadh eolais ar obair Dhearbhú Cálíochta agus Cálíochtaí Éireann ag www.qqi.ie

Eolas agus Taithí Riachtanach

Príomhchúraimí

- Gníomhú mar an chéad phointe teagmhála don PF, chun fiosruithe isteach amhail ríomhphoist, glaonna teileafóin, cuirí agus comhfhreagras eile a chuirtear faoi bhráid an PF a athbhreithniú agus a rianú go réamhghníomhach agus go pras.
- Féilire comhordaithe agus cothrom le dáta a choinneáil don PF trí thosaíochtaí a mheas chun a chinntiú go dtugtar tús áite do chruinnithe tábhachtacha, go réitítear coinbhleachtaí ama agus go ndéantar caitheamh an ama a bharrfheabhsú ar an iomlán.
- Gníomhú mar rúnaí do chruinnithe na Foirne Ardcheannaireachta agus do chruinnithe eile de réir mar is gá.
- Cláir taistil náisiúnta agus idirnáisiúnta, cóiríocht agus lóistíocht eile an PF a chomhordú nuair is gá.
- Caidreamh oibre den scoth a chothú agus a choinneáil le comhghleacaithe ar fud na heagraíochta.
- Dul i mbun oibre leis an PF chun punann de chaidrimh straitéiseacha a bhainistiú, lena n-áirítear geallsealbhóirí inmheánacha agus seachtracha.
- Bailiú agus tiomsú sonraí agus faisnéise a bhainistiú de réir mar is gá chun tuarascálacha, eolas agus cur i láthair a ullmhú don PF. Gach cruinniú faoi cheannas an PF a ullmhú trí chláir oibre agus doiciméid chruinnithe a ullmhú agus a scaipeadh de réir mar is gá. A chinntiú go ndéantar gach cruinniú ar líne a shocrú leis na socruithe ábhartha de réir mar is infheidhme.
- Tacú leis an bPríomhfheidhmeannach i mbainistiú phróisis na dtuarascálacha díreacha (e.g., costais, saoire, bainistíocht feidhmíochta) agus dul i dteagmháil leis an mbainistíocht de réir mar is gá.
- Faisnéis rúnda agus íogair a bhainistiú le discréd agus le breithiúnas fóna.
- Taighde a dhéanamh, de réir mar is gá, ag bailiú gach faisnéise ábhartha lena n-áirítear ó na Stiúrthóireachtaí agus ó na geallsealbhóirí de réir mar is iomchuí, chun eolas a thabhairt don PF chun pleanáil agus cinnteoireacht a éascú.
- Deiseanna a aithint go réamhghníomhach chun próisis riaracháin agus bainistíocht taifead a fheabhsú agus dea-chleachtais a chur i bhfeidhm.
- Aon dualgas eile a d'fhéadfaí a shannadh ó am go chéile a chomhlíonadh.

Riachtanais

Ní mór d'iarrthóirí ar phost an Chúntóra Feidhmiúcháin na nithe seo a leanas a bheith acu:

- taithí 3-5 bliana ((taithí le 5 bliana anuas)) a bheith acu mar Chúntóir Feidhmiúcháin / Cúntóir Pearsanta

- sárscileanna TF agus digiteacha, a bheith oscailte d'athruithe agus do nuálaíocht agus lándáiríre faoi eolas/scileanna a fheabhsú don todhchaí.
- fianaise trína dtaispeántar gur féidir leo obair a bhainistiú go héifeachtach trí bhreithiúnais agus cinntí atá bunaithe ar fhianaise a dhéanamh, cuspóirí a chur in ord tosaíochta agus torthaí ar ardchaighdeán a sheachadadh.
- fianaise ar eolas a fhorbairt, a thacú, a threorú agus a roinnt le daoine eile
- léiriú ar scileanna cumarsáide agus tionchair den scoth trína dtaispeántar gur féidir leo obair bhuíne a dhéanamh go héifeachtach agus caidreamh a chothú.
- an cumas iad féin a oiriúnú do thimpeallacht oibre atá ag athrú agus meas ar fheabhsú / foghlaim leanúnach a léiriú.
-

Inmhianaithe

In éineacht leo siúd, beidh na nithe seo a leanas inmhianaithe:

- Cáilíocht ardoideachais, ar leibhéal 8 nó níos airde den CNC de rogha.
- Eolas agus spéis i mbeartas agus i bhforbairt an bhreisoideachais agus an ardoideachais
- Taithí ar thaighde agus anailís
- Taithí ar thionscadail a bhainistiú
- Eolas agus taithí ar chúrsaí riaracháin san earnáil phoiblí
- Taithí chruthaithe ar obair a dhéanamh i dtimpeallacht an-rúnda agus/nó ardrialaithe
- Scileanna láidre scríofa agus labhartha sa Ghaeilge

Príomhchoinníollacha Seirbhíse

Cuid 1 (Coinníollacha a bhaineann go sonrach leis an bpost seo)

Pá

Seo a leanas an scála tuarastail don phost seo:

€52,240, €53,800, €55,394, €57,020, €58,658 ¹, €60,566 ², €62,482

(1) Tar éis seirbhís shásúil 3 bliana ag an uasmhéid.

(2) Tar éis seirbhís shásúil 6 bliana ag an uasmhéid.

Féadfar breiseanna a dhámhadh faoi réir sheirbhís shásúil agus athruithe sna téarmaí agus coinníollacha maidir le breiseanna tuarastail sa Státseirbhís/Seirbhís Phoiblí i gcoitinne.

Féadfar an ráta pá a mhionathrú ó am go chéile ar aon dul le beartas pá an Rialtais.

Tuarastal:

Déanfar an ceapachán ar an scála tuarastail ag pointe atá ar aon dul le beartas pá reatha an Rialtais. Tosóidh iontrálaithe nua isteach sa státseirbhís nó san earnáil phoiblí, mar a shainítear iad i gCiorclán 18/2010, ar an gcéad phointe den scála tuarastail.

Is féidir go mbeidh pá agus coinníollacha difriúla i bhfeidhm, má bhí an ceapaí ina státseirbhíseach nó ina sheirbhíseach poiblí roimh an cheapachán.

Obair Chumaiscthe:

Tá polasaí oibre cumaisc ag QQI mar a roinneann ár bhfostaithe a gcuid ama idir freastal ar an ionad oibre agus oibriú go cianda.

Saoire Bhliantúil:

25 lá oibre a bheidh sa tsaoire bhliantúil. Níl laethanta saoire phoiblí san áireamh ansin.

Uaireanta Tinrimh:

Beidh na huaireanta oibre de réir ghnáthshocruithe QQI agus ionann le líon uaireanta nach lú ná 35 (glan ar shosanna) sa tseachtain.

Ní íocfar aon suim bhreise as tinreamh breise toisc go gclúdaíonn an ráta luach saothair aon tinreamh breise eisceachtúil a d'fhéadfadh a bheith de dhíth ó am go chéile.

Cuid II (Coinníollacha eile a bhaineann le daoine a cheapfaí sa phost seo)

1. Tionacht: Ceapfar an t-iarrthóir a n-éireoidh leo i bpost buan i QQI.

Ní mór don té a cheapfar tréimhse phromhaidh a chomhlíonadh, a mhairfidh sé mhí de ghnáth. Má bhíonn seirbhísí an cheapaí sásúil ó thaobh sláinte, iompar agus éifeachtúlacht i gcoitinne le linn na tréimhse promhaidh, ceapfar an duine sin ar bhonn buan ag deireadh na tréimhse. Má bhíonn an tseirbhís neamhshásúil, féadfar an ceapachán a fhoirceannadh uair ar bith le linn na tréimhse promhaidh.

2. Dualgais: Beifear ag súil go gcomhlíonfaidh an ceapaí gach gníomh, dualgas agus oibleagáid a ghabhann leis an bpost (a d'fhéadfaí a leasú ó am go chéile).

3. Fostaíocht Lasmuigh den Eagraíocht Post lánaimseartha é seo agus ní mór don té a cheapfar aon bhaint le fostaíocht/leasanna gnó lasmuigh a sheachaint, más amhlaidh go bhfuil siad nó go bhféadfaidís a bheith i gcoimhlint. Ní mór soiléiriú a iarraidh ón lucht bainistíochta má tá amhras ann.

4. Saoire Bhreiteachta: Is féidir saoire bhreiteachta ar phá iomlán a cheadú faoi lánrogha Dhearbhú Cáilíochta agus Cáilíochtaí de réir nósanna imeachta bunaithe agus coinníollacha don tseirbhís poiblí i gcoitinne.

5. Scor agus Aoisliúntas: Tairgfear téarmaí pinsin agus coinníollacha aoise pinsin na seirbhíse poiblí don té a cheapfar de réir na socruithe pinsin sa QQI ag brath ar stádas an té a cheapfar:

- a) I gcoitinne, beidh duine nach bhfuil aon stair seirbhíse poiblí inphinsin aici nó aige sna 26 seachtain roimh an ceapachán ina bhall den Scéim Pinsin Aonair Seirbhíse Poiblí (An Scéim Aonair) a thosaigh an 1 Eanáir 2013 (tagraíonn Alt 10 den Acht um Pinsin Seirbhíse Poiblí (Scéim Aonair agus Forálacha Eile) 2012 di);
- b) Beidh duine ar bith atá ar iasacht ina bhall i gcónaí de scéim pinsin na máthairchuideachta agus bunófar an tuarastal inphinsin ar a ghrád nó a grád substaintiúil .i. an grád ag a bhfuil an duine sin fostaithe ina m(h)áthairchuideachta.
- c) Duine ar bith a bhí ina bhall de “scéim pinsin seirbhíse poiblí atá ann cheana” mar a fhorléireofar san Acht um Pinsin na Seirbhíse Poiblí (Scéim Aonair agus Forálacha Eile) 2012 agus nach gcáilíonn do bhallraíocht sa Scéim Aonair, beidh sé nó sí ina bhall de Scéim Pinsin Foirne QQI agus de Scéim Ghaolmhar na gCéilí agus na Leanaí;
- d) An uair a thairgfear an ceapachán, déanfaidh an QQI i gcomhar leis an Roinn Oideachais & Scileanna agus an Roinn Caiteachais Phoiblí & Athchóirithe, más gá, i bhfianaise stair fostaíochta Sheirbhíse Phoiblí an té a cheapfar roimhe seo agus/nó stair fostaíochta eile), na téarmaí agus coinníollacha cuí pinsin a chinnfidh a chuirfear i bhfeidhm go ceann thréimhse an ceapacháin. Ceanglaítear ar cheapaithe a stair iomlán seirbhíse poiblí a nochtadh. Cuirfear sonraí na bhforálacha cuí pinsin ar fáil nuair a chinnfear stádas an té a cheapfar;

e) De réir fhorálacha an Achta um Aoisliúntas na Seirbhíse Poiblí (Forálacha Ilghnéitheacha). 2004, ní ceadmhach do bhaill foirne dul ar scor roimh a 65ú breithlá ach amháin más drochshláinte is cúis leis. Tá socruithe éagsúla scoir i bhfeidhm i gcás foireann a bhí fostaithe sa tseirbhís phoiblí roimh an Acht 2004 réamhluaite;

f) Ba chóir aird a thabhairt ar na pointí seo a leanas:

- ❑ **Fabhrú Pinsin:** Beidh teorainn 40 bliain ar sheirbhís iomlán a áireamh i leith pinsin i gcás ina mbaineann an duine le níos mó ná scéim pinsin seirbhíse poiblí amháin atá ann cheana. Tháinig an Scéim Aonair, dá bhforáiltear san Acht um Pinsin Seirbhíse Poiblí (Scéim Aonair agus Forálacha Eile) 2012, isteach le héifeacht an 28 Iúil 2012. Is féidir go mbeidh impleachtaí ann d'aon cheapaí a bhfuil ceartha pinsin faighte aici/aige i bhfostaíocht seirbhíse poiblí roimhe seo.
 - ❑ **Laghdú Pinsin:** Leathnaíodh laghdú pinsin faoin Acht um Pinsin na Seirbhíse Poiblí (Scéim Aonair agus Forálacha Eile) 2012 ionas go ndéantar laghdú ar phinsean seirbhíse poiblí duine ar bith a théann ar ais isteach i bhfostaíocht seirbhíse poiblí, fiú nuair is i réimse difriúil den tseirbhís phoiblí an fostaíocht nua. Ach más amhlaidh go raibh an té a cheapfar fostaithe sa státseirbhís roimhe seo agus gur bronnadh pinsean air/uirthi faoi shocruithe deonacha luathscoir (seachas Scéim Dreasaithe Luathscoir (ISER) nó VER/VRS Fheidhmeannacht na Seirbhíse Sláinte, a chuireann an duine as an áireamh don chomórtas, mar a mhínítear thíos), beidh deireadh leis an teidlíocht ar íoc an phinsin sin ó dháta an athcheapacháin. Déanfar socruithe speisialta, áfach, chun seirbhís a thug an té an cheapaí roimhe seo a chur san áireamh ar mhaithe le haon dámhachtain pinsin amach anseo dá gcáileodh an duine sin.
 - ❑ **Scéim Luathscoir do Mhúinteoirí na Roinne Oideachais agus Scileanna Imlitir 102/2007:** Thug an Roinn Breisoideachais agus Ardoideachais, Nuálaíocht agus Eolaíochta isteach Scéim Luathscoir do Mhúinteoirí. Is coinníoll é den Scéim Luathscoir, ach amháin i gcásanna atá leagtha amach i bparagraif 10.2 agus 10.3 den chiorclán reatha, agus sna cásanna sin amháin, má ghlacann múinteoir le scor luath faoi Shnáitheanna 1, 2 nó 3 den scéim seo agus má fhostaítear í nó é ina dhiaidh sin in aon cháil in aon réimse den earnáil phoiblí, cuirfear deireadh láithreach le híc pinsin an duine sin faoin scéim. .Atosófar den phinsean a íoc, más ea, ar chríoch na fostaíochta sin nó ar 60ú breithlá an duine sin, cibé acu is déanaí, ach ar a atosú, bunófar an pinsean ar sheirbhís inríofa iarbhír an duine sin mar mhúinteoir (.i. ní chuirfear na blianta breise a deonaíodh roimhe seo san áireamh agus an íocaíocht pinsin á ríomh).
 - ❑ **Scor Drochshláinte:** Cuir san áireamh go bhféadfadh pinsean duine a chuaigh ar scor ó chomhlacht státseirbhíse/seirbhíse poiblí ar chúiseanna drochshláinte a bheith faoi réir athbheithniú de réir rialacha na scéime scoir drochshláinte laistigh den scéim pinsin na fostaíochta sin.
6. **Asbhaint i leith Pinsin:** Tá an ceapachán seo faoi réir na hasbhainte maidir le pinsean de réir an Achta um Bearta Éigeandála Airgeadais ar Mhaithe le Leas an Phobail 2009. Gheofar tuilleadh eolais maidir le fadhbanna aoisliúntais seirbhíse poiblí ar an láithreán gréasáin seo a leanas: <http://per.gov.ie/pensions>
7. **Incháilitheacht chun dul san iomaíocht agus srianta áirithe ar incháilitheacht Riachtanais Saoránach.**
Ní mór d'iarrthóirí incháilithe a bheith i gceann de na grúpaí seo a leanas:
1. Saoránaigh den Limistéar Eorpach Eacnamaíoch (LEE). Ballstáit an Aontais Eorpaigh mar aon leis an Íoslainn, an Iorua agus Lichtinstéin atá i gceist leis an LEE; nó
 2. Saoránaigh de chuid na hEilvéise de bhua chomhaontú idir an tAontas Eorpach agus an Eilvéis ar shaorghluaiseacht daoine; nó

3. Saoránaigh neamh-LEE atá ina chéile nó ina leanbh de shaoránach LEE nó Eilvéiseach agus a bhfuil víosa stampa 4 aige; nó
4. Duine a bhfuil cosaint idirnáisiúnta faighte aige faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 aige nó
5. Saoránaigh neamh-LEE ar tuismitheoir í/é de leanbh cleithiúnach atá ina shaoránach de bhallstát LEE nó den Eilvéis agus a bhfuil cónaí air nó uirthi ann agus a bhfuil víosa stampa 4 aici/aige.

Nóta maidir le saoránaigh an RA: Deimhníodh san idirbheartaíocht AE/Breathimeacht RA a cuireadh i gcrích le déanaí go bhfuil an Comhaontú Comhlimistéar Taistil le fada an lá idir an RA agus Éire gan athrú tar éis an Bhreathimeachta. Dá réir sin, tá saoránaigh na RA incháilithe chun dul i mbun oibre agus cónaí in Éirinn gan srian agus, dá bharr sin, iarratas a dhéanamh chun dul isteach sa chomórtas seo i gcás ina gcomhlíonann siad na critéir incháilitheachta cáilitheachta eile go léir

8. **An Scéim Luathscor Dreasaíthe:** Is coinníoll é den Scéim um Luathscor Dreasaíthe (ISER), mar atá leagtha amach in Imlitir 12/09 na Roinne Airgeadais, toirmeasc a bheith ar lucht scoir, faoin scéim sin, iarratas a dhéanamh ar phost eile san fhostaíocht nó san earnáil chéanna. Mar sin, ní ghlacfar le hiarratais ó dhaoine atá ag baint leas as an scéim sin.
9. **Ciorclán na Roinne Sláinte agus Leanaí (7/2010):** Tugadh isteach le Ciorclán 7/2010 na Roinne Sláinte agus Leanaí den 1 Samhain 2010 Spriocscéim le haghaidh Luathscor Deonach (VER) agus Iomarcaíocht Dheonach (VRS). Is coinníoll den scéim VER é nach gcáileoidh daoine a bhaineann leas as an scéim le cur isteach ar athfhostaíocht san earnáil sláinte poiblí nó san earnáil poiblí i gcoitinne, nó i gcomhlacht a mhaoinítear go hiomlán nó go páirteach as cistí poiblí. Tá feidhm ag an gcosc céanna ar athfhostaíocht faoin scéim VRS ach ní mhairfidh an cosc ach go ceann seacht mbliana agus caithfidh an tAire Caiteachais Phoiblí agus Athchóirithe toiliú a thabhairt i gcás aon athfhostaithe ina dhiaidh sin. Daoine a bhain leas as aon cheann den dá scéim sin, ní cháileoidh siad chun dul isteach sa chomórtas seo.
10. **Comhaontú Comhchoiteann: Íocaíochtaí Iomarcaíochta le Seirbhísigh Phoiblí**
Le litir ón Roinn Caiteachais Phoiblí agus Athchóirithe dar dáta an 28 Meitheamh 2012 chuig Oifig Pearsanra, tugadh isteach, le héifeacht ó 1 Meitheamh 2012, Comhaontú Comhchoiteann a rinneadh idir an Roinn Caiteachais Phoiblí agus Athchóirithe agus Coiste Seirbhísí Poiblí an ICTU maidir le híocaíochtaí iomarcaíochta ex-gratia do sheirbhísigh poiblí. Is coinníoll den Chomhaontú Comhchoiteann é nach mbeidh daoine a bhaineann leas as an gcomhaontú cáilithe lena n-athfhostú sa tseirbhís poiblí in aon chomhlacht seirbhíse poiblí (mar a shainítear sna Beartais Éigeandála Airgeadais sna hAchtanna um Leas an Phobail 2009-2011) go ceann dhá bhliain ó fhoirceannadh na fostaíochta. Ina dhiaidh sin beidh toiliú an Aire Caiteachais Phoiblí, Seachadadh an Phlean Náisiúnta Forbartha agus Athchóirithe de dhíth sula n-athfhostaítear an t-iarrthóir. Daoine a bhain leas as an scéim seo agus a d'fhéadfadh áit a bhaint amach sa chomórtas seo, beidh orthu a chruthú go gcáilíonn siad chun an post a ghlacadh (deireadh a bheith tagtha leis an tréimhse neamhcháilitheachta) agus beidh toiliú an Aire de dhíth sular féidir glacadh le haon fhostaíocht le comhlacht seirbhíse poiblí.
11. **Dearbhú stair fostaíochta seirbhíse poiblí roimhe seo:**
Iarrfar ar an iarrthóir rathúil a dhearbhú cibé ar bhain siad leas roimhe seo as scéim seirbhíse poiblí do luathscor dreasaíochta agus/nó as an gcomhaontú comhchoiteann atá luaite thuas. Beidh ar iarratasóirí a dhearbhú, leis, cibé an bhfuil aon teidlíocht acu ar phinsean seirbhíse poiblí

(atá á íoc nó atá forchoimeáda) ó aon fhostaíocht seirbhíse poiblí eile agus/nó an bhfuair siad íocaíocht in áit seirbhíse in aon fhostaíocht seirbhíse poiblí.

An Próiseas Iomaíochta

Conas iarratas a dhéanamh:

Ba chóir iarratas a dhéanamh trí CV reatha agus litir chumhdaigh a chur isteach, mar aon le ráiteas tacaíochta mar a mhínítear thíos ina leagtha amach a oiriúnaí atá an t-iarrthóir don phost, i ríomhphost chuig Hazel Whelan, Recruitment Plus, qqi@rplus.ie tráth nach déanaí ná **15:00 on 19 Bealtaine 2026**.

Ceanglófar ar iarratasóirí dearbhú mar atá tugtha i bparagraf 11 a sholáthar. **Ní ghlacfar le hiarratais tar éis an dáta agus an t-am deiridh**

Modhanna Roghnúcháin

Is féidir iarrthóirí a ghearrliostú ar bhonn na faisnéise a chuireann siad ar fáil ar a bhfoirm iarratais mar chuid den phróiseas roghnúcháin

agallamh

Teistiméireachtaí sásúla (ní dhéanfar teagmháil le teistiméirí gan comhaontú an iarrthóra a fháil roimh ré)

Forchoimeádaí Dearbhú Cáilíochta agus Cáilíochtaí Éireann an ceart iarraidh ar iarrthóirí an dara hagallamh a dhéanamh.

Gearrliostú

De ghnáth is mó iarratas a fhaightear ar phost ná an líon is gá chun folúntais atá anois ann agus folúntais todhchaí sa phost seo a líonadh. I gcás ina gcomhlíonann iarrthóir riachtanais cháilitheachta an chomórtais, más amhlaidh go gcuireann líon chomh mór sin isteach ar an gcomórtas nach mbeadh sé praiticiúil an uile iarrthóir a chur faoi agallamh, féadann QQI cinneadh a dhéanamh gan ach líon beag a chur faoi agallamh. Maidir leis seo, déanann QQI soláthar le haghaidh próiseas gearrliostaithe chun grúpa a roghnú le cur faoi agallamh ar cosúil, bunaithe ar scrúdú ar na foirmeacha iarratais, gurb iad is oiriúnaí don phost. Scrúdóidh bord saineolaithe na foirmeacha iarratais i gcomparáid le critéir réamhshainithe bunaithe ar riachtanais an phoist. Ní hionann sin is a rá go bhfuil iarrthóirí eile mí-oiriúnach, nó éagumasach ar an bpost a dhéanamh, ach go bhfuil, ar an ócáid seo, roinnt iarrthóirí, ar bhonn a n-iarratas, atá cáilithe níos fearr, agus/nó a bhfuil taithí níos ábhartha acu. Mar sin is é do leas é cuntas mionsonraithe agus cruinn ar do cháilíochtaí/taithí a chur ar fáil i d'iarratas.

Rúndacht

Faoi réir fhorálacha an Achta um Shaoráil Faisnéise, 1997, leasaithe, caithfear le gach iarratas mar iarratas faoi rún.

Eolas tábhachtach eile

Ní bheidh QQI freagrach as aon chostais a thabhoídh iarrthóirí.

Ní chiallaíonn sé, má ghlactar le duine isteach i gcomórtas, nó má fhaigheann sí/sé cuireadh chun agallaimh, go bhfuil QQI sásta go gcomhlíonann an duine sin riachtanais an chomórtais nó nach bhfuil sí/sé dícháilithe faoin dlí don phost agus ní aon ráthaíocht é go mbreithneofar an t-iarratas tuilleadh. Tá sé tábhachtach, mar sin, go dtuigfeá gur ortsa an t-ualach a chinntiú go gcomhlíonann tú na riachtanais cháilitheachta don chomórtas sula dtagann tú chun agallaimh. Mura gcomhlíonann tú na bunriachtanais iontrála seo ach má thugann tú chun agallaimh, beidh tú ag tarraingt costais neamhriachtanacha ort féin.

Sula moltar iarrthóir ar bith a cheapadh sa phost seo, déanfaidh QQI gach fiosrú is dóigh atá riachtanach chun a fháil amach an bhfuil an t-iarrthóir oiriúnach. Ní féidir aon chinneadh deiridh a dhéanamh go dtí go mbeidh gach céim den phróiseas earcaíochta curtha i gcrích, agus níor chóir a mheas ná glacadh leis go bhfuil an cinneadh déanta.

Má dhiúltaíonn an té a mholtar don phost glacadh leis an bpost, nó tar éis glacadh leis, má fhágann sí/sé é nó má thagann folúntas breise chun cinn, féadfaidh QQI, faoina lánrogha féin, duine eile a roghnú agus a mholadh lena cheapadh, bunaithe ar thorthaí an phróisis roghnúcháin seo.

Oibleagáidí Iarrthóirí

Cuirtear in iúl d'iarrthóirí go ndícháileoidh canbhasáil agus go gcuirfear amach as an gcomórtas iad dá bharr.

Níor chóir d'iarrthóirí:

- ☒ faisnéis bhréagach a chur ar fáil go heolach nó go meargánta
- ☒ duine ar bith a chanbhasáil le spreagadh nó gan spreagadh
- ☒ cur isteach ar an bpróiseas nó dochar ar bith a dhéanamh dó

Ní ceadmhach do thríú páirtí iarrthóir a phearsanú ag céim ar bith den phróiseas.

Duine ar bith a sháraíonn ceann de na forálacha thuas nó a chabhraíonn le duine ar bith aon cheann de na forálacha thuas a shárú, beidh sé nó sí ciontach i gcoir. Duine ar bith a fhaightear ciontach i gcion, dlífeair fíneáil agus/nó téarma príosúnachta air/uirthi.

Anuas ar sin, i gcás ina raibh nó ina bhfuil duine a ciontaíodh i gcion ina iarrthóir sa phróiseas earcaíochta, ansin:

- i gcás nár ceapadh sa phost í/é, dícháileofar í/é mar iarrthóir; agus
- i gcás inar ceapadh é/í tar éis an phróisis earcaíochta i dtrácht, géillfidh sé/sí an ceapachán sin.

Iarrthóireacht a mheas mar iarrthóireacht atá tarraingthe siar

Iarrthóirí nach dtagann chun agallaimh nó scrúdaithe eile san áit agus ag an am a shocróidh QQI, nó nach soláthraíonn fianaise a iarrann QQI orthu, nuair a iarradh é, maidir le haon ghnó atá bainteach lena n-iarrthóireacht, ní bheidh siad i dteideal aon bhreithnithe eile.

Seirbhís Cháilíochta do Chustaiméirí

Féachaimid le seirbhís ar ardchaighdeán a chur ar fáil dár gcustaiméirí uile. Má tá tú míshona, ar chúis ar bith, le gné ar bith den tseirbhís a fuair tú uainn, iarraidimid ort é sin a chur in iúl don aonad nó don bhall foirne i dtrácht. Tá tábhacht leis seo mar go gcinntíonn sé go mbímid ar an eolas faoin bhfadhb agus gur féidir linn gníomhú chun an fhadhb a réiteach.

Déanann QQI measúnú cothrom ar gach iarratasóir bunaithe ar riachtanais an ról. Mar gheall ar an líon mór iarratas a fhaighimid ar phoist, ní féidir linn aiseolas a thabhairt d'iarrthóirí nach gcuirtear ar an ngearrliosta le haghaidh agallaimh. Má chuirtear ar an ngearrliosta thú le haghaidh agallaimh, agus mura n-éiríonn leat ina dhiaidh sin, is féidir leat aiseolas ó bhéal a iarraidh.

Na hAchtanna um Chosaint Sonraí, 1988 -- 2018

Comhlíonfaidh ár bpróisis earcaíochta uile na riachtanais reachtacha maidir le cosaint sonraí. Nuair a gheofar d'fhoirm iarratais, cruthófar taifead faoi d'ainm, ina gcoinneofar mórchuid den fhaisnéis phearsanta a chuireann tú ar fáil. An bonn le do shonraí pearsanta a phróiseáil ná d'iarratas a phróiseáil don phost leis an QQI a ndearna tú iarratas air.

Coinnítear an t-eolas sin faoi réir na gceart agus na n-oibleagáidí atá leagtha amach sna hAchtanna um Chosaint Sonraí, 1988 & 2018.

Coimeádtar taifid/páipéir ar feadh tréimhse réasúnta agus diúscraítear ansin iad de réir ár sceidil Coinneála Taifead.

Ráiteas Príobháideachta an Iarratasóra Rialtóir Sonraí - Dearbhú Cáilíochta agus Cáilíochtaí Éireann

Cuspóir na Próiseála

Seolann QQI próisis earcaíochta chun folúntais san eagraíocht a líonadh. Agus iarratasóirí ag cur isteach ar na comórtais seo, iarrtar orthu raon doiciméad a chur isteach, m.sh. foirm iarratais, CV agus/nó litir chlúdaigh.

Faighiteoir/Comhroinnte le	Cúis
QQI HR	Iarratais a fháil agus a admháil agus comhfhreagras a dhéanamh le hiarratasóirí. Is gá faisnéis áirithe le cur san áireamh i gconarthaí d'iarratasóirí a n-éiríonn leo
Bord Roghnúcháin	Faisnéis is gá don ghearrliostú agus don phróiseas agallaimh
Fostóir reatha	Seiceálacha ar shaoire bhreiteachta agus seiceálacha ar theistiméirí i gcás iarratasóirí nach seirbhísigh phoiblí iad

Teidlíochtaí na nIarratasóirí

Aithníonn go bhfuil teidlíochtaí ag iarratasóirí agus tá na teidlíochtaí sin leagtha amach thíos.

Rochtain

- Féadfaidh iarratasóirí a gcuid sonraí a iarraidh agus a fháil uair ar bith agus cóip de na sonraí seo a iarraidh agus a fháil, i bhformáid leictreonach/inaistrithe.

Léirscriosadh

- Féadfaidh iarratasóirí léirscriosadh na sonraí atá i seilbh a iarraidh.

Ceartú

- Féadfaidh iarratasóirí ceartú a dhéanamh ar aon fhaisnéis mhícheart.

Agóid

- Féadfaidh iarratasóirí agóid a dhéanamh in aghaidh phróiseáil na faisnéise seo.

Gearáin

Féadfaidh iarratasóirí gearán a dhéanamh lenár nOifigeach Cosanta Sonraí "OCS" (sonraí teagmhála thíos) agus/nó gearán a dhéanamh leis an údarás cuí – an Coimisiún um Chosaint Sonraí in Éirinn

Sonraí teagmhála OCS QQI
Ríomhphost: dpo@qqi.ie

Nó

Oifigeach Cosanta Sonraí
Dearbhú Cáilíochta agus Cáilíochtaí Éireann
26 – 27 Lána Denzille
Baile Átha Cliath 2.
D02 P299

Gheofar tuilleadh eolas ar chosaint sonraí:

Ar shuíomh gréasáin an Choimisinéara Cosanta Sonraí – www.dataprotection.ie

Déan teagmháil le hOifig an Choimisinéara Cosanta Sonraí ar an bhfón ar 1890 252231 nó le ríomhphost ar info@dataprotection.ie